

**«Шаңырақ» бөбекжай-балабақшасы МКҚК-ның
кезектен тыс №6 педагогикалық кеңес хаттамасының көшірмесі**

Өткізілу күні: 29.05.2024ж

Қатысушылар: 9 адам (тізім бойынша)

Педагог – 7

Шаруашылық меңгерушісі – 1

Медбике – 1

Кеңес төрағасы: меңгеруші Аманжол Д

Хатшы: тәрбиеші А.Абдигалиева

КҮН ТӘРТІБІНДЕ:

1. «Шаңырақ» бөбекжай-балабақшасы МКҚК өзін-өзі бағалау барысында жүргізілген жұмыс қорытындысы туралы

ТЫҢДАЛДЫ:

Балабақша меңгерушісі Д.Аманжол сөз алды:

- 2024 жылдың 02-28 мамыры аралығында білім беру саласындағы ҚР Заңдарының орындалуын бақылау және мектепке дейінгі мекемелерде білім беру қызметінің ҚР жалпы білім берудің мемлекеттік жалпыға міндетті стандартының талаптарына сәйкестігін анықтау мақсатында «Шаңырақ» бөбекжай-балабақшасында өзін-өзі бағалау жұмысы өткізілді.

Балабақшаның өзін-өзі бағалау жұмысы материалдарын қарап талдай отырып, комиссия мүшелері төмендегідей атап көрсетті:

Өзін-өзі бағалау жұмысы барысында комиссия мүшелері Тәрбие мен оқыту нәтижелеріне бағдарланған мазмұнға өлшемшерттарды, ҚР ОАМ-нің 2022 жылғы 31 тамыздағы № 385 бұйрығымен бекітілген Мектепке дейінгі ұйымдар қызметінің үлгілік қағидаларының сақталуына талдау жүргізді:

«Шаңырақ» бөбекжай-балабақшасы 5 күндік жұмыс аптасы, 10,5 сағат баланың болуымен, оқу-тәрбие процесінің үздіксіз тәртібінде жұмыс жасайды. Өзін-өзі бағалау жұмысы барысында жасалған талдау шаралары, педагогикалық ұжымның оқу жоспарына сай жұмыс жасайтындығын анықтауға мүмкіндік берді.

Оқу жоспарында көрсетілген талаптарды орындап, тәрбиеленушілердің жас ерекшеліктерін ескере отыра оқу-тәрбие жұмысы жүргізілген. Іс-құжаттардың стандарт талаптарына сай жүйелі түрде жасалғаны анықталды.

2023-2024 оқу жылында тәрбиелеу мен оқыту қызметін мектепке дейінгі ұйымдар қызметінің тәртібін айқындайтын Қазақстан Республикасы Оқу-ағарту министрінің 2022 жылғы 31 тамыздағы № 385 бұйрығымен 1-қосымшасы бекітілген «Мектепке дейінгі ұйымдар қызметінің үлгілік қағидалары» негізінде, Қазақстан Республикасы Оқу-ағарту министрінің 2022 жылғы 3 тамыздағы № 348 бұйрығымен бекітілген (нормативтік құқықтық

актілерді мемлекеттік тіркеу тізілімінде № 29031 болып тіркелген) Мектепке дейінгі тәрбие мен оқытудың мемлекеттік жалпыға міндетті стандартының және Қазақстан Республикасы Білім және ғылым министрінің 2012 жылғы 20 желтоқсандағы №557 бұйрығымен (нормативтік құқықтық актілерді мемлекеттік тіркеу тізілімінде №8275 болып тіркелген) бекітілген Мектепке дейінгі тәрбие мен оқытудың үлгілік оқу жоспарын басшылыққа алып жұмыс жүргізілген.

ҚР білім беруді және ғылымды дамытудың 2020-2025 жылдарға арналаған мемлекеттік бағдарламасын, Мектепке дейінгі тәрбие мен оқытуды дамыту моделі 15.03.2021 жыл № 137 қаулысы негізінде әзірленген, мектепке дейінгі тәрбие мен оқытудың мақсаты балалардың жеке қажеттіліктерін ескере отырып, олардың жан-жақты үйлесімді дамуы үшін жайлы және қауіпсіз жағдайлар жасау бағытына сәйкес ұйымдастырылған оқу жоспарының құрылымы барысында инвариантты және вариативті оқу қызметінде кемшіліктер болған жоқ.

«Шаңырақ» бөбекжай-балабақшасы 2023-2024 жылдарға арналған жұмыс жоспарының мазмұнына балабақшаның мақсат-міндеттері сәйкес. Өткен оқу жылдарының жұмыстарын талдау барлық бағыттарда жасалған. Жоспарланған шаралар уақтылы өткізілген.

Балабақшаның оқу жұмыс жоспарлары мен ұйымдастырылған қызметтің жоспарлары мектепке дейінгі тәрбие мен оқытудың үлгілік оқу жоспарының талаптарына сәйкес келеді. Балабақшаның білім беру қызметі мектепке дейінгі тәрбие мен оқытудың үлгілік оқу бағдарламасына сәйкес іске асырылған. Мекеменің педагогикалық кадрлары түгелімен тиісті бейін бойынша жұмыс жасайды. 2023-2024 оқу жылының педагогтарының сапалық құрамы бойынша: балабақша меңгерушісі *«Басшы-ұйымдастырушы»* санатында болса, 1 педагог – *«Педагог-модератор»*, 3 педагог – *«ІІ санатты»*, *«санаты жоқ»* – 2 педагог бар.

«Шаңырақ» бөбекжай-балабақшасы МКҚК-нда Қазақстан Республикасы Оқу-ағарту министрінің 2022 жылғы 31 тамыздағы № 385 бұйрығына 1-қосымша “Мектепке дейінгі ұйымдар қызметінің үлгілік қағидалары” талаптары сақталған. Мектепке дейінгі ұйым сыйымдылығы 50 балаға, 2 топқа арналған. Топтар «Жас ерекшелігі әртүрлі қағидасы» бойынша жас топтарына толықтырылған. Олар «Балбөбек» ерте жас және кіші аралас тобы жас ерекшелігі екі түрлі (1 жастағы, 2 жастағы) балалар – 21 бала, «Балдәурен» ортаңғы және ересек аралас тобы жас ерекшелігі үш түрлі (3 жастағы, 4 жастағы, 5 жастағы) балалар – 16 бала.

Балабақша тәрбиеленушілерінің даму көрсеткіштері қорытындысының орташа көрсеткіші 2023-2024 оқу жылында **«бастапқы»** даму көрсеткіші 66%-ды, **«аралық»** даму көрсеткіші **70,5%-ды** көрсетті, жыл аяғына дейін қорытынды мониторингі **87%** көрсетіп отыр.

Әдістемелік қызмет жұмыстарының басым бағыттары жаңартылған білім негізін басшылыққа ала отырып жүргізілген. Балабақша әдістемелік қызметі бойынша тәрбиешілердің жұмыстары жүйелілігі мен инновациялық мазмұнымен ерекшеленеді.

Педагогикалық ұжымның кәсіби шеберлігінің көрсеткіші балабақшадағы әдістемелік жұмыстың тиімділігінде, жетістікке жету негіздері қалыптастырылған. 2023-2024 оқу жылында тәрбиелеу-білім беру процесін ұйымдастыруда мектепке дейінгі ұйым педагогтары: күні бойы ойын арқылы оқыту, түрлі балалар әрекетін ұйымдастыру арқылы (ойын, қимыл, танымдық, шығармашылық, зерттеу, еңбек, дербес) балаларды дамыту қағидаларын басты назарда ұстанған.

Балабақшада мектепке дейінгі ұйымдарды жабдықтармен және жиһазбен қамтамасыз ету жұмысы "Мектепке дейінгі, орта білім беру ұйымдарын, сондай-ақ арнайы білім беру ұйымдарын жабдықтармен және жиһазбен жарақтандыру нормаларын бекіту туралы" Қазақстан Республикасы Білім және ғылым министрінің 2016 жылғы 22 қаңтардағы № 70 бұйрығына сәйкес жүзеге асырылған. Мектепке дейінгі ұйымдағы заттық-кеңістіктік дамытушы орта: қауіпсіз, қолжетімді, әртүрлі, мазмұнды, көп атқарымды, өзгермелі, тартымды болу талаптарына сәйкес келеді. Мектепке дейінгі мекеме компьютерлермен, интернет жүйесімен қамтылған.

Мектепке дейінгі ұйымда оқу-әдістемелік кешендер Қазақстан Республикасы Білім және ғылым министрінің 22 мамырдағы 2020 жылғы № 216 бұйрығына сәйкес жүзеге асырылады. Баланың танымдық, сөйлеу, шығармашылық іс-әрекетін, коммуникативтік қабілеттерін қалыптастыру үшін қолданылатын дидактикалық оқу құралдары мен үлестірмелі материалдар жеткілікті және эстетикалық талғамға сай. Аудиотека, видеотека бойынша қазақ және орыс тілдерінде ертегілер, жаңылтпаштар, санамақтар, сергіту сәті дискілердің данасы, ұйымдастырылған оқу қызметтерінің әдістемелік құралдары т.б. жинақталған.

Балабақша басқару әкімшілігі өз жұмыстарын құқықтық-нормативтік құжаттардың базалық ерекшеліктеріне сай және өз қызметтерін балабақшаның жылдық жұмыс жоспарына сәйкестендіріп жүргізеді.

Балабақшаның жұмыстық оқу жоспары, ұқыпты жүйеленіп жасалған. Балабақша әкімшілігі педагогтардың ізденушілікпен жұмыс жасауына көңіл бөледі. Балабақша педагогтарының мақалалары облыстық, республика көлемінде баспа беттерінде жарияланған.

«Шаңырақ» бөбекжай-балабақшасы өзін-өзі бағалау комиссиясы жүргізілген жұмыстарының есебі негізінде **бағалау парағы** рәсімделіп, бағалау өлшемшерттарына өлшеуіштер бойынша 36 балл қойылып, қорытынды баға **«жақсы»** деп бағаланды.

Өзін-өзі бағалау жұмыстары тыңдалып және талқыланып педагогикалық кеңес төмендегідей шешім шығарды:

Шешім:

1. «Шаңырақ» бөбекжай-балабақшасы өзін-өзі бағалау барысында жүргізілген жұмыс қорытындысы бойынша Стандарт талаптарына сәйкес деп есептелсін.

2. Өзін-өзі бағалау жұмысы барысында балабақшаның оқу-тәрбие үрдісінің ұйымдастырылуы мен педагогтардың кәсіби қызметтеріне дайындығы бойынша анықталған көрсеткіштерге сәйкес деп танылсын.

3. Өзін-өзі бағалау бойынша қаралған жұмыстың құжаттарының көшірмелері, балабақшаның интернет ресурстарына орналастырылсын.

Хаттама көшірмесі дұрыс

Педагогикалық кеңес төрағасы:

Хатшы:



Аманжол Д.

Абдигалиева А.М.

Комиссия мүшелері:

Д.Аманжол

К.Б.Жумашева

К.Ш.Бакытжанова

А.М.Горяева

А.К.Жаленова

Handwritten signatures of the commission members, each on a horizontal line.